

佛說無量壽經

上

八十五
乃一

47529
6



元祿九年丙子二月日重脩

皇圖翠岡 帝階銀昌

佛日增輝 懋輪常轉

山城州天安寺法金剛院置



佛說無量壽經卷上

曹魏康僧鎧譯

乃

我聞如是一時佛住王舍城耑闍崛山中與
 大比丘眾萬二千人俱一切大聖神通已達
 其名曰尊者了本際尊者正願尊者正語尊
 者大号尊者仁賢尊者離垢尊者名聞尊者
 善實尊者具足尊者牛王尊者優樓頻螺迦
 葉尊者伽耶迦葉尊者那提迦葉尊者摩訶
 迦葉尊者舍利弗尊者大白捷連尊者劫賓
 那尊者大住尊者大淨志尊者摩訶周那尊
 者滿願子尊者離鄣尊者流灌尊者堅伏尊
 者面王尊者異乘尊者仁性尊者嘉樂尊者



善來尊者羅云尊者阿難皆如斯等上首者
也又與大乘衆菩薩俱普賢菩薩妙德菩薩
慈氏菩薩等此賢劫中一切菩薩又賢護等
十六正士善思議菩薩信慧菩薩空無菩薩
神通華菩薩光英菩薩慧上菩薩智幢菩薩
寂根菩薩願慧菩薩香象菩薩寶英菩薩中
住菩薩制行菩薩解脫菩薩皆導普賢大士
之德具諸菩薩無量行願安住一切功德之
法遊步十方行權方便入佛法藏究竟彼岸
於無量世界現成等覺處兜術天弼宣正法
捨彼天宮降神母胎從右脅生現行七步光
明顯耀普照十方無量佛土六種震動舉聲

自稱吾當於世爲無上尊釋梵奉侍天人歸
仰示現筭計文藝射御博綜道術貫練群籍
遊於後園講武試藝現處宮中色味之間見
老病死悟世非常棄國財位入山學道服乘
白馬寶冠瓔珞遣之令還捨珍妙衣而著法
服剃除鬚髮端坐樹下勤苦六年行如所應

現五濁刹隨順群生示有塵垢沐浴金流天
案樹枝得攀出池靈禽翼共從往詣道場吉祥
感徵表章功祚哀受施草敷佛樹下跏趺而
坐奮大光明使魔知之魔率官屬而來逼試
制以智力皆令降伏得微妙法成最正覺釋
梵祈勸請轉法輪以佛遊步佛吼而吼扣法

鼓吹法螺執法劔建法幢震法雷曜法電澍
法雨演法施常以法音覺諸世間光明普照
無量佛土一切世界六種震動搃攝魔界動
魔宮殿衆魔懼怖莫不歸伏搃裂邪網消滅
諸見散諸塵勞壞諸欲壑嚴護法城開闡法
門洗濯垢汙顯明清白光融佛法宣流正化
入國分衛獲諸豐饒貯功德示福田欲宣法
現欣笑以諸法藥救療三苦顯現道意無量
功德授菩薩記成等正覺示現滅度拯濟無
極消除諸漏植衆德本具足功德微妙難量
遊諸佛國普現道教其所修行清淨無穢譬如
幻師現衆異像爲男爲女無所不變本學明

了在意所爲此諸菩薩亦復如是學一切法
貫綜縷練所住安諦靡不感化無數佛土皆
悉普現未曾慢恣愍傷衆生如是之法一切
具足菩薩經典究暢要妙名稱普至道御十
方無量諸佛咸共護念佛所住者皆已得住
大聖所立而皆已立如來道化各能宣布爲
諸菩薩而作大師以甚深禪慧開道衆生通
諸法性達衆生相明了諸國供養諸佛化現
其身猶如電光善學無畏之網曉了幻化之
法壞裂魔網解諸纏縛超越聲聞緣覺之地
得空無相無願三昧善立方便顯示三乘於
此中下而現滅度亦無所作亦無所有不起

不滅得平等法具足成就無量恭敬百千三
昧諸根智慧廣普寂定深入菩薩法藏得佛
華嚴三昧宣揚演說一切經典住深定門悉
覩現在無量諸佛一念之頃無不周遍濟諸
劇難諸閑不閑分別顯示真實之際得諸如
來辯才之智入衆言音開化一切超過世間
諸所有法心常諦住度世之道於一切萬物
而隨意自在爲諸庶類作不請之友荷負群
生爲之重擔受持如來甚深法藏護佛種性
常使不絕興大悲愍衆生演慈辯授法眼杜
三趣開善門以不請之法施諸黎庶如純孝
之子愛敬父母於諸衆生視若自己一切善

本皆度彼岸悉獲諸佛無量功德智慧聖明
不可思議如是之等菩薩大士不可稱計一
時來會尔時世尊諸根悅豫姿色清淨光顏
巍巍尊者阿難承佛聖旨即從座起偏袒右
肩長跪合掌而白佛言今日世尊諸根悅豫
姿色清淨光顏巍巍如明鏡淨影暢表裏威
容顯耀超絕無量未嘗瞻覩殊妙如今唯然
大聖我心念言今日世尊住奇特之法今日
世雄住諸佛所住今日世眼住導師之行今
日世英住最勝之道今日天尊行如來之德
去來現在佛佛相念得無今佛念諸佛耶何
故威神光光乃尔於是世尊告阿難曰云何

阿難諸天教汝來問佛耶自以慧見問威顏
乎阿難白佛無有諸天來教我者自以所見
問斯義耳佛言善哉阿難所問甚快發深智
慧真妙辯才愍念衆生闡斯慧義如來以無
盡大悲矜哀三界所以出興於世光闡道教
欲拯濟群萌惠以真實之利無量億劫難值
難見猶靈瑞華時時乃出今所問者多所饒
益開化一切諸天人民阿難當知如來正覺
其智難量多所導御慧見無礙無能遏絕以
一食之力能住壽命億百千劫無數無量復
過於此諸根悅豫不以毀損姿色不變光顏
無異所以者何如來定慧究暢無極於一切

法而得自在阿難諦聽今為汝說對曰唯然
願樂欲聞佛告阿難乃往過去久遠無量不
可思議無央數劫錠光如來興出於世教化
度脫無量衆生皆令得道乃取滅度次有如
來名曰光遠次名月光次名栴檀香次名善
山王次名須彌天冠次名須彌等曜次名月
色次名正念次名離垢次名無著次名龍天
次名夜光次名安明頂次名不動地次名琉
璃妙華次名琉璃金色次名金藏次名炎光
次名炎根次名地種次名月像次名目音次
名解脫華次名莊嚴光明次名海覺神通次
名水光次名大香次名離塵垢次名捨猒意

次名寶炎次名妙頂次名勇立次名功德持
慧次名蔽日月光次名日月琉璃光次名無
上琉璃光次名最上首次名菩提華次名月
明次名日光次名華色王次名水月光次名
除癡冥次名度蓋行次名淨信次名善宿次
名威神次名法慧次名鸞音次名師子音次
名龍音次名處世如此諸佛皆悉已過尔時
次有佛名世自在王如來應供等正覺明行
足善逝世間解無上士調御丈夫天人師佛
世尊時有國王聞佛說法心懷悅豫尋發無
上正真道意弃國捐王行作沙門号曰法藏
高才勇哲與世超異詣世自在王如來所誓

首佛足右遠三巾長跪人昂掌以頌讚曰

光顏巍巍威神無極如是炎明無與等者

日月摩尼珠光燄燿皆悉隱蔽猶如聚墨

如來顏容超世無倫正覺大音響流十方

戒聞精進三昧智慧威德無侶殊勝希有

深諦善念諸佛法海窮深盡奧究其涯底

無明欲怒世尊永無人雄師子神德無量

功勳廣大智慧深妙光明威相震動大千

願我作佛齊聖法王過度生死靡不解脫

布施調意戒忍精進如是三昧智慧為上

吾誓得佛普行此願一切恐懼為作大安

假今有佛百千億萬無量大聖數如恒沙

供養一切斯等諸佛不如求道堅正不却
譬如恒沙諸佛世界復不可計無數刹土
光明悉照遍此諸國如是精進威神難量
今我作佛國土第一其衆奇妙道場超絕
國如泥洹而無等雙我當愍哀度脫一切
十方來生心悅清淨已至我國快樂安隱
幸佛明信是我真證發願於彼力精所欲
十方世尊智慧無礙常令此尊知我心行
假使身止諸苦毒中我行精進忍終不悔
佛告阿難法藏比丘說此頌已而白佛言唯
然世尊我發無上正覺之心願佛爲我廣宣
經法我當修行攝取佛國清淨莊嚴無量妙

土令我於世速成正覺拔諸生死勤苦之本
佛告阿難時世自在王佛語法藏比丘如所修
行莊嚴佛土汝自當知比丘白佛斯義弘深
非我境界唯願世尊廣爲敷演諸佛如來淨
土之行我聞此已當如說修行成滿所願亦
時世自在王佛知其高明志願深廣卽爲法

藏比丘而說經言譬言如大海一人斗量經歷
劫數尚可窮底得其妙寶人有至心精進求
道不止會當剋果何願不得於是世自在王
佛卽爲廣說二百一十億諸佛刹土天人之善
惡國土之麁妙應其心願悉現與之時彼比
丘聞佛所說嚴淨國土皆悉覩見起發無上

殊勝之願其心寂靜志無所著一切世間無
能及者具足五劫思惟攝取莊嚴佛國清淨
之行阿難白佛彼佛國土壽量幾何佛言其
佛壽命四十二劫時法藏比丘攝取二百
一十億諸佛妙土清淨之行如是修已詣彼
佛所稽首禮足遶佛三匝合掌而住白佛言
世尊我已攝取莊嚴佛土清淨之行佛告比
丘汝今可說宜知是時發起悅可一切大衆
菩薩聞已修行此法緣致滿足無量大願比
丘白佛唯垂聽察如我所願當具說之設我
得佛國有地獄餓鬼畜生者不取正覺設我
得佛國中天人壽終之後復更三惡道者不

取正覺設我得佛國中天人不知悉真金色者
不取正覺設我得佛國中天人形色不同有
好醜者不取正覺設我得佛國中天人不知
宿命下至知百千億那由他諸劫事者不取
正覺設我得佛國中天人不知天眼下至見
百千億那由他諸佛國者不取正覺設我得
佛國中天人不知天耳下至聞百千億那由
他諸佛所說不悉受持者不取正覺設我得
佛國中天人不知見他心智下至知百千億
那由他諸佛國中衆生心念者不取正覺設
我得佛國中夫人不知神足於一念頃下至
不能超過百千億那由他諸佛國者不取正

覺設我得佛國中天人若起想念貪計身者
不取正覺設我得佛國中天人不住定聚必
至滅度者不取正覺設我得佛光明有限量
下至不照百千億那由他諸佛國者不取正
覺設我得佛壽命有限量下至百千億那由
他劫者不取正覺設我得佛國中聲聞有能
計量乃至三千大千世界衆生悉成緣覺於百
千劫悉共計校知其數者不取正覺設我得佛
國中天人壽命無能限量除其本願脩短自
在若不介者不取正覺設我得佛國中天人
乃至聞有不善名者不取正覺設我得佛十
方世界無量諸佛不悉咨嗟稱我名者不取

正覺設我得佛十方衆生至心信樂欲生我國乃至十念若不生者不取正覺唯除五逆誹謗正法設我得佛十方衆生發菩提心修諸功德至心發願欲生我國臨壽終時假令不與大衆圍遶現其人前者不取正覺設我得佛十方衆生聞我名号係念我國殖衆德本至心迴向欲生我國不果遂者不取正覺設我得佛國中天人不悉成滿三十二大人相者不取正覺設我得佛他方佛土諸菩薩衆來生我國究竟必至一生補處除其本願自在所化爲衆生故被弘誓鎧積累德本度脫一切遊諸佛國修菩薩行供養十方諸佛

如來開化恒沙無量衆生使立無上正真之
道超出常倫諸地之行現前修習普賢之德
若不介者不取正覺設我得佛國中菩薩承
佛神力供養諸佛一食之頃不能遍至無數
無量億那由他諸佛國者不取正覺設我得
佛國中菩薩在諸佛前現其德本諸所求欲
供養之具若不如意者不取正覺設我得佛
國中菩薩不能演說一切智者不取正覺設
我得佛國中菩薩不得金剛那羅延身者不
取正覺設我得佛國中天人一切萬物嚴淨
光麗形色殊特窮微極妙無能稱量其諸
衆生乃至逮得天眼有能明了辯其名數者

不取正覺設我得佛國中菩薩乃至少功德
者不能知見其道場樹無量光色高四百萬
里者不取正覺設我得佛國中菩薩若受讀
經法諷誦持說而不得辯才智慧者不取正
覺設我得佛國中菩薩智慧辯才智若可限量
者不取正覺設我得佛國土清淨皆悉照見
十方一切無量無數不可思議諸佛世界猶
如明鏡覩其面像若不尔者不取正覺設我
得佛自地以上至于虛空宮殿樓觀池流華
樹國土所有一切萬物皆以無量雜寶百千
種香而共合成嚴飾竒妙超諸天人其香普
熏十方世界菩薩聞者皆修佛行若不如是

不取正覺設我得佛十方無量不可思議諸
佛世界衆生之類蒙我光明觸其身者身心
柔軟超過天人若不尔者不取正覺設我得
佛十方無量不可思議諸佛世界衆生之類
聞我名字不得菩薩無生法忍諸深摠持者
不取正覺設我得佛十方無量不可思議諸
佛世界其有女人聞我名字歡喜信樂發菩
提心厭惡女身壽終之後復爲女像者不取
正覺設我得佛十方無量不可思議諸佛世
界諸菩薩衆聞我名字壽終之後常修梵行
至成佛道若不尔者不取正覺設我得佛十
方無量不可思議諸佛世界諸天人民聞我

名字五體投地稽首作禮歡喜信樂修菩薩
行諸天世人莫不致敬若不尔者不取正覺
設我得佛國中天人欲得衣服隨念即至如
佛所讚應法妙服自然在身有求裁縫擣染
浣濯者不取正覺設我得佛國中天人所受
快樂不如漏盡比丘者不取正覺設我得佛
國中菩薩隨意欲見十方無量嚴淨佛土應時
如願於寶樹中皆悉照見猶如明鏡覩見其
面像若不尔者不取正覺設我得佛他方國
土諸菩薩衆聞我名字至于得佛諸根闕陋
不具足者不取正覺設我得佛他方國土諸
菩薩衆聞我名字皆悉逮得清淨解脫三昧

住是三昧一發意頃供養無量不可思議諸
佛世尊而不失定意若不尔者不取正覺設
我得佛他方國土諸菩薩衆聞我名字壽終
之後生尊貴家若不尔者不取正覺設我得
佛他方國土諸菩薩衆聞我名字歡喜踊躍
修菩薩行具足德本若不尔者不取正覺設
我得佛他方國土諸菩薩衆聞我名字皆悉
逮得普等三昧住是三昧至于成佛常見無
量不可思議一切諸佛若不尔者不取正覺
設我得佛國中菩薩隨其志願所欲聞法自
然得聞若不尔者不取正覺設我得佛他方
國土諸菩薩衆聞我名字不即得至不退轉

者不取正覺設我得佛他方國土諸菩薩衆
聞我名字不即得至第一忍第二第三法忍
於諸佛法不能即得不退轉者不取正覺佛
告阿難尔時法藏比丘說此願已以偈頌曰
我建超出世願 必志無上道
斯願不滿具
誓不成等覺 我於無量劫
不為大施主

普濟諸貧苦 誓不成等覺
我至成佛道
名聲超十方 究竟靡所聞
誓不成等覺
離欲深正念 淨慧修梵行
志求無上尊
為諸天人師 神力演大光
普照無際土
消除三垢冥 明濟衆厄難
開彼智慧眼
滅此昏盲暗 閉塞諸惡道
通達善趣門

功祚成滿足

威曜朗十方

日月最重暉

天光隱不現

為眾開法藏

廣施功德寶

常於大眾中

說法師子吼

供養一切佛

具足眾德本

願慧悉成滿

得為三界雄

如佛無礙智

通達靡不照

願我功德力

等此最勝尊

斯願若剋果

大千應感動

虛空諸天神

當兩珎妙華

佛語阿難法藏比丘說此頌已應時普地六

種震動天雨妙華以散其上自然音樂空中

讚言決定必成無上正覺於是法藏比丘具

足修滿如是大願誠諦不虛超出世間深樂

寂滅阿難法藏比丘於其佛所諸天魔梵龍

神八部大衆之中發斯弘誓建此願已一向
專志莊嚴妙土所修佛國開廓廣大超勝獨
妙建立常然無衰無變於不可思議非載永
劫積殖菩薩無量德行不生欲覺瞋覺害覺
不起欲想瞋想害想不著色聲香味觸法忍
力成就不計衆苦少欲知足無染恚癡三昧
常寂智慧無礙無有虛偽諂曲之心和顏愛
語先意承問勇猛精進志願無倦專求清白
之法以惠利群生恭敬三寶奉事師長以大
莊嚴具足衆行令諸衆生功德成就住空無
相無願之法無作無起觀法如化遠離魚言
自害害彼彼此俱害修習善語自利利人

我兼利棄國捐王絕去財色自行六波羅蜜
教人令行無央數劫積功累德隨其生處在
意所欲無量寶藏自然發應教化安立無數
衆生住於無上正真之道或爲長者居士豪
姓尊貴或爲刹利國君轉輪聖帝或爲六欲
天主乃至梵王常以四事供養恭敬一切諸
佛如是功德不可稱說口氣香潔如優鉢羅
華身諸毛孔出栴檀香其香普熏無量世界
容色端正相好殊妙其手常出無盡之寶衣
服飲食珍妙華香諸蓋幢幡莊嚴之具如是
等事超諸天人於一切法而得自在阿難白
佛法藏菩薩爲已成佛而取滅度爲未成佛

爲今現在佛告阿難法藏菩薩今已成佛現
在西方去此十萬億刹其佛世界名曰安樂
阿難又問其佛成道已來爲經幾時佛言成
佛已來凡歷十劫其佛國土自然七寶金銀
瑠璃珊瑚琥珀車磔馬瑙合成爲地恢廓廣
蕩不可限極悉相雜廁轉相入間光赫煜爍
微妙竒麗清淨莊嚴超踰十方一切世界衆
寶中精其寶猶如第六天寶又其國土無須
彌山及金剛圍一切諸山亦無大海小海溪
渠井谷佛神力故欲見則見亦無地獄餓鬼
畜生諸難之趣亦無四時春夏秋冬不寒不
熱常和調適尔時阿難白佛言世尊若彼國

土無須彌山其四天王及忉利天依何而住
佛語阿難第三炎天乃至色究竟天皆依何
住阿難白佛行業果報不可思議佛語阿難
行業果報不可思議諸佛世界亦不可思議
其諸衆生功德善力住行業之地故能尔耳
阿難白佛我不疑此法但爲將來衆生欲除
其疑惑故問斯義佛告阿難無量壽佛威神
光明最尊第一諸佛光明所不能及或照百
佛世界或千佛世界取要言之乃照東方恒
沙佛刹南西北方四維上下亦復如是或有
佛光照于七赤或一由旬二三四五由旬如是
轉倍乃至照一佛刹是故無量壽佛号無量

光佛無邊光佛無礙光佛無對光佛光炎王
佛清淨光佛歡喜光佛智慧光佛不斷光佛
難思光佛無稱光佛超日月光佛其有衆生
遇斯光者三垢消滅身意柔軟歡喜踊躍善心
生焉若在三塗勤苦之處見此光明皆得休息無
復苦惱壽終之後皆蒙解脫無量壽佛光明顯
赫照曜十方諸佛國土莫不聞焉不但我今
稱其光明一切諸佛聲聞緣覺諸菩薩衆咸
共歎譽亦復如是若有衆生聞其光明威神
功德日夜稱說至心不斷隨意所願得生其
國爲諸菩薩聲聞之衆所共歎譽稱其功德
至其然後得佛道時普爲十方諸佛菩薩歎

其光明亦如今也佛言我說無量壽佛光明
威神巍巍殊妙晝夜一劫尚未能盡佛語阿
難又無量壽佛壽命長久不可稱計汝寧知
乎假使十方世界無量衆生皆得人身悉令
成就聲聞緣覺都共集會禪思一心竭其智
力於百千萬劫悉共推筭計其壽命長遠之
數不能窮盡知其限極聲聞菩薩天人之衆
壽命長短亦復如是非筭數譬喻所能知也
又聲聞菩薩其數難量不可稱說神智洞達
威力自在能於掌中持一切世界佛語阿難彼
佛初會聲聞衆數不可稱計菩薩亦然如大目
犍連百千萬億無量無數於阿僧祇那由他

劫乃至滅度悉共計校不能究了。多少之數。譬如大海深廣無量。假使有人析其一毛。以爲百分以一分毛沾取一滌。於意云。何其所滌者。於彼大海何所爲多。阿難白。佛彼所滌水。比於大海多少之量。非巧曆筭數言辭。譬類所能知也。佛語阿難。如目連等於百千萬億那由他劫。計彼初會聲聞菩薩所知數者。猶如一滌。其所不知。如大海水。又其國土七寶諸樹。周滿世界。金樹銀樹琉璃樹頗瓊樹珊瑚樹碼瑙樹碑磔之樹。或有二寶三寶。乃至七寶。轉共合成。或有金樹銀葉華果。或有銀樹金葉華果。或琉璃樹頗瓊爲葉華果。亦

然或水精樹瑠璃為葉華果亦然或珊瑚樹
碼瑙為葉華果亦然或碼瑙樹瑠璃為葉華
果亦然或碑磔樹眾寶為葉華果亦然或有
寶樹紫金為本白銀為莖瑠璃為枝水精為
條珊瑚為葉碼瑙為華碑磔為實或有寶樹
白銀為本瑠璃為莖水精為枝珊瑚為條碼
瑙為葉碑磔為華紫金為實或有寶樹瑠璃
為本水精為莖珊瑚為枝碼瑙為條碑磔為
葉紫金為華白銀為實或有寶樹水精為本
珊瑚為莖碼瑙為枝碑磔為條紫金為葉白
銀為華瑠璃為實或有寶樹珊瑚為本碼瑙
為莖碑磔為枝紫金為條白銀為葉瑠璃為

華水精為實或有寶樹碼瑙為本碑磔為莖
紫金為枝白銀為條瑠璃為葉水精為華珊
瑚為實或有寶樹碑磔為本紫金為莖白銀
為枝瑠璃為條水精為葉珊瑚為華碼瑙為
實行行相值莖莖相望枝枝相准葉葉相向
華華相順實實相當榮色光曜不可勝視遠

風時發出五音聲微妙宮商自然相和又無
量壽佛其道場樹高四百萬里其本周圍五
千由旬枝葉四布二十萬里一切眾寶自然
合成以月光摩尼持海輪寶眾寶之王而莊
嚴之周帀條間垂寶瓔珞百千萬色種種異
變無量光炎照耀無極瓊玕妙寶網羅覆其上

一切莊嚴隨應而現微風徐動吹諸寶樹演
出無量妙法音聲其聲流布遍諸佛國聞其
音者得深法忍住不退轉至成佛道耳根清
徹不遭苦患目覩其色鼻知其香口嘗其味身
觸其光心以法緣皆得其甚深法忍住不退轉至
成佛道六根清徹無諸惱患阿難若彼國土天
人見此樹者得三法忍一者音響忍二者柔順
忍三者無生法忍此皆無量壽佛威神力故
本願力故滿足願故明了願故堅固願故究
竟願故佛告阿難世間帝王有百千音樂自
轉輪聖王乃至第六天上伎樂音聲展轉相
勝千億萬倍第六天上萬種樂音不如無量

壽國諸七寶樹一種音聲千億倍也亦有自然萬種伎樂又其樂聲無非法音清暢哀亮微妙和雅十方世界音聲之中最爲第一其講堂精舍宮殿樓觀皆七寶莊嚴自然化成復以真珠明月摩尼衆寶以爲交露覆蓋其上內外左右有諸浴池或十由旬或二十三十乃至百千由旬縱廣深淺皆各一等八功德水湛然盈滿清淨香潔味如甘露黃金池者底白銀沙白銀池者底黃金沙水精池者底瑠璃沙瑠璃池者底水精沙珊瑚池者底琥珀沙琥珀池者底珊瑚沙碑磔池者底瑪瑙沙碼碯池者底碑磔沙白玉池者底紫

沙紫金池者底白玉沙或有二寶三寶乃至
七寶轉共合成其池岸上有栴檀樹華葉垂
布香氣普熏天優鉢羅華鉢曇摩華拘牟頭
華分陀利華雜色光茂弥覆水上彼諸菩薩
及聲聞衆若入寶池意欲令水没足水即没
足欲令至膝即至于膝欲令至腰水即至腰
欲令至頸水即至頸欲令灌身自然灌身欲
令還復水輒還復調和冷暖自然隨意開神
悅體蕩除心垢清明澄潔淨若無形寶沙映
徹無深不照微瀾迴流轉相灌注安詳徐逝
不遲不疾波揚無量自然妙聲隨其所應莫
不聞者或聞佛聲或聞法聲或聞僧聲或寂

靜聲空無我聲大慈悲聲波羅蜜聲或十力
無畏不共法聲諸通慧聲無所作聲不起滅
聲無生忍聲乃至甘露灌頂衆妙法聲如是
等聲稱其所聞歡喜無量隨順清淨離欲寂
滅真實之義隨順三寶力無所畏不共之法
隨順通慧菩薩聲聞所行之道無有三塗苦
難之名但有自然快樂之音是故其國名曰
安樂阿難彼佛國土諸往生者具足如是清
淨色身諸妙音聲神通功德所處宮殿衣服
飲食衆妙華香莊嚴之具猶第六天自然之
物若欲食時七寶鉢器自然在前金銀瑠璃
磗磑碼碯珊瑚琥珀明月真珠如是諸鉢隨

意而至百味飲食自然盈滿雖有此食實無
食者但見色聞香意以為食自然飽足身心
柔輒無所味著事已化去時至復現彼佛國
土清淨安隱微妙快樂次於無為泥洹之道
其諸聲聞菩薩天人智慧高明神通洞達咸
同一類形無異狀但因順餘方故有天人
名顏貌端正超世希有容色微妙非天非人
皆受自然虛無之身無極之體佛告阿難譬
如世間貧窮乞人在帝王邊形貌容狀寧可
類乎阿難白佛假令此人在帝王邊羸陋醜
惡無以為喻百千萬億不可計倍所以然者
貧窮乞人底極斯下衣不蔽形食趣支命飢

寒困苦人理殆盡皆坐前世不殖德本積財
不施富有益慳但欲唐得貪求無厭不信修
善犯惡山積如是壽終財寶消散苦身聚積
爲之優惱於己無益徒爲他有無善可怙無
德可恃是故死墮惡趣受此長苦罪畢得出
生爲下賤愚鄙斯極示同人類所以世間帝
王人中獨尊皆由宿世積德所致慈惠博施
仁愛兼濟履信修善無所違爭是以壽終福
應得升善道上生天上響茲福樂積善餘慶
今得爲人遇生王家自然尊貴儀容端正衆
所敬事妙衣珍饈隨心服御宿福所追故能
致此佛告阿難汝言是也計如帝王雖人中

尊貴形色端正比之轉輪聖王甚爲鄙陋猶
彼乞人在帝王邊也轉輪聖王威相殊妙天
下第一比之忉利天王又復醜惡不得相喻
萬億倍也假令天帝比第六天王百千億倍
不相類也設第六天王比無量壽佛國菩薩
聲聞光顏容色不相及逮百千萬億不可計
倍佛告阿難無量壽國其諸天人衣服飲食
華香瓔珞諸蓋幢幡微妙音聲所居舍宅宮
殿樓閣稱其形色高下大小或一寶二寶乃
至無量衆寶隨意所欲應念即至又以衆寶
妙衣遍布其地一切天人踐之而行無量寶
網彌覆佛土皆以金縷真珠百千雜寶奇妙

珍異莊嚴校飾周帀四面垂以寶鈴光色晃
曜盡極嚴麗自然得風徐起微動其風調和
不寒不暑溫涼柔輒不遲不疾吹諸羅網及
衆寶樹演發無量微妙法音流布萬種溫雅
德香其有聞者塵勞垢習自然不起風觸其
身皆得快樂譬如比丘得滅盡三昧又風吹
散華遍滿佛土隨色次第而不雜亂柔輒光
澤馨香芬烈足履其上蹈下四寸隨舉足已
還復如故華用已訖地輒開裂以次化沒清
淨無遺隨其時節風吹散華如是六反又衆
寶蓮華周滿世界一一寶華百千億葉其華
光明無量種色青色青光白色白光玄黃朱

紫光色赫然焯燁煥爛明曜日月一華中
出三十六百千億光一一光中出三十六百
千億佛身色紫金相好殊特一一諸佛又放
百千光明普為十方說微妙法如是諸佛各
各安立無量衆生於佛正道

無量壽經卷上

鎧

苦改反

脅

許業反助也

博綜

下子宋反

功祚

下反

奮太

上方問反振也

扣

苦候反擊也

澍

音注下也

帽

怖

上之葉反驚

擗裂

上正作擗反

打

非此用也

塹

七坑反

開闡

下昌反

洗濯

下音濁

光融

下余反

衛

上去聲

饒

時亦作膳

貯

知呂反

拯濟

上蒸

字上

縷練

上呂主反

靡

無也

杜

徒戶反

哀

上居陵反

曼

上於割反

塵

底

上音

夜

字上 縷練 上呂主反 靡 緬彼反 杜 徒戶反 矜

哀 上居陵反 也 一 過絕 反上 於割也 涯底 上音 技

其倚反 係 計音 柔濡 下軟反 裁縫 二字音才逢

洩濯 上亦作洗 玄伴反 戢 阻立反 地載 上音

億曰 恢廓 上音 濁洗也 反 雜廁 下初使反 光赫 下許

明 煜爍 上余菊反 下音 藥 析枿 二同先擊 滌

滴言 辭 下音 哀亮 下力向反 湛然 上寧 瀾 音

波 踐 音賤 晃曜 上胡廣 煒燁 上羽鬼反 下于

煥爛 上音 煥 下音 且 光明 美貞

無量壽經卷上釋音 乃



